

A *Phys. (Orin.) incurvo* Dist. (Biol. Centr.-Amer., Het., p. 285, 8, tab. xxvi, fig. 19, *Eccritotarsus*), *cujus specimina e Mexico examinavi, differt corpore minore, multo parcius et tenuissime cinereo-pubescente, magis nitido, capite latius nigro, venis membranæ pallidis (nec fuscis), femoribus omnibus totis albidis (nec posticis ante apicem infuscatis vel nigro-annulatis), præcipue pronoto nigro (nec ænescente), non nisi tenuissime (nec dense et longe) cinereo-pubescente, disco ejus postico impressionibus longitudinalibus multo obtusioribus (nec profundis et gibbas duas magnas et altas inter se formantibus).*

Pristoneura, nov. gen.

Corpus parvum, alte convexum; capite parvo, lævi, pronoto fere triplo angustiore, subverticali, ab antico viso latitudine cum oculis distincte brevior, vertice immarginato, fronte medio levissime impressa. clypeo prominente, subcarinato-compresso, sat fortiter arcuato, basi a fronte discreto, ipsa basi mox supra lineam inter scrobes antennarum ductam posita; capite a latere viso brevi, gula vix distinguenda, genis humilibus, angulo faciali recto; oculis oblongis, in genas longe extensis, orbita interiore parallelis; rostro crassiusculo, coxas intermedias attingente; antennis fere ad tertiam inferiorem partem marginis interioris oculorum insertis, articulo primo clypeum vix superante, secundo latitudine capitis haud longiore, versus apicem sensim leviter incrassato, ultimis longis; pronoto distincte transverso, impresso-punctato, annulo collari distincto, callis ad apicem appropinquatis, valde transversis, parvis, obliquis, disco pone eos versus basin sensim alte convexo, margine basali truncato, lateribus rectis versus apicem fortiter incrassatis, apice quam basi triplo angustiore; scutello sat magno, impresso-punctato, basi depressa detecta; hemielytris cuneo brevi perpendiculariter declivi, fractura profunda, vena clavi suturæ appropinquata recta, vena corii juxta suturam clavi non nihil arcuata margineque interiore embolii omnibus transversim dense et fortiter carinulatis, vena cubitali corii nulla, hemielytris cetero lævibus, parce pubescentibus, embolio versus apicem dilatato; membrana areola magna, unica, vena ejus brachiali versus basin arcuata; metastethio orificiis parvis rotundatis; pedibus breviusculis, coxas posticis ab epipleuris hemielytrorum longe remotis, femoribus gracilibus, tibiis muticis.

9. **P. picea**, n. sp. -- *Obscure picea, subtiliter parcius pallido-pubescentis, inferne picco-nigra, nitida; capite, dimidio basali articuli*